



UNIVERSITI
TEKNOLOGI
MARA

Cawangan Terengganu

INFO

USAHAWAN

Edisi 31 (Jan - Jun 2024)

Usahawan Pemacu Ekonomi Mapan

ISSN 1823-6421



BULETIN ADALAH HAK MILIK KEKAL MASMED
UiTM CAWANGAN TERENGGANU

Inisiatif Pendapatan Rakyat (IPR): Mendorong Keusahawanan Perniagaan Tempatan

Faizatul Akmam Binti Amirrudin¹ and Balqis Binti Mohd Shariff¹

¹Fakulti Pengurusan dan Perniagaan. UiTM Cawangan Selangor Kampus Puncak Alam, Malaysia

**Email koresponden: akmamamir671@uitm.edu.my*

Pengenalan

Inisiatif Pendapatan Rakyat (IPR) dilancarkan pada 26 Februari 2023 dengan peruntukan RM750 hasil pembentangan Belanjawan 2024. IPR menumpukan kepada pendekatan serampang dua mata untuk meningkatkan pendapatan keluarga miskin tegar, miskin dan kumpulan B40 di samping mengurangkan masalah ekonomi harian melalui inisiatif IPR. Menteri Ekonomi, Rafizi Ramli berkata, program IPR berupaya membantu golongan terbabit menjana pendapatan sekurang-kurangnya RM2,000 sebulan bagi membolehkan mereka keluar daripada garis kemiskinan. Beliau berkata, sasaran itu berdasarkan kajian yang dilaksanakan pihaknya berasaskan garis kemiskinan tegar yang ditetapkan pada kadar RM1,900 sebulan.

Ia menumpukan usaha membasmi kemiskinan dan menambah pendapatan rakyat menerusi inisiatif pertanian, perniagaan makanan dan operator perkhidmatan dengan mewujudkan ekosistem antara pemohon, pemegang taruh dan masyarakat setempat. Inisiatif ini melibatkan kerjasama antara kerajaan, rakyat dan rakan strategik selaras dengan pendekatan keseluruhan negara seperti digariskan dalam Rancangan Malaysia Kedua Belas (RMKe-12) serta prinsip Ihsan di bawah Kerangka Dasar Madani.

Program IPR di bawah kelolaan Kementerian Ekonomi ini memfokuskan kepada tiga (3) model iaitu Inisiatif Usahawan Tani (INTAN), Inisiatif Usahawan Makanan (INSAN) dan Inisiatif Operator Perkhidmatan (IKHSAN).

Inisiatif Usahawan Tani (INTAN)

Program IPR INTAN dirangka bagi mencapai objektif strategik dalam meningkatkan

keberkesanan pembasmian kemiskinan dan menambah pendapat rakyat selain meningkatkan kemampuan bekalan makanan serta membantu usaha mengawal harga di pasaran.. IPR INTAN adalah inisiatif untuk merekrut golongan sasar yang berminat dalam pertanian dengan memilih hasil tanaman yang tinggi seperti cili, halia dan jagung.

IPR INTAN menggunakan pendekatan menjadikan tapak pertanian sebagai “kilang” dengan berusaha mengelakkan peserta mengalami risiko kerugian seperti serangan penyakit dan kekurangan hasil tuaian. Peserta menjadi pekerja yang menguruskan plot yang telah dibangunkan dengan kaedah pertanian moden dan diberi Latihan. Menurut Rafizi Ramli, Peserta diberi jaminan menerima sekurang-kurangnya RM2,000 sebulan setiap kali pusingan tanaman, dengan elaun RM600 sebulan dalam 2-3 bulan.pertama sebelum boleh dituai.

Kerajaan turut memberi bantauan untuk tempoh pemantauan 24 bulan memandangkan IPR INTAN mengambil masa yang lebih Panjang untuk mendapat pendapatan kerana perlu menunggu sehingga hasil boleh dituai.

Inisiatif Usahawan Makanan (INSAN)

IPR INSAN pula menyasar peserta menjual makanan umum pada harga rendah (serendah RM2) kepada komuniti untuk sarapan dan makanan tengahari, melalui mesin layan diri (vending machine) di tempat terpilih serta kos sewaan bulanan dianggarkan antara RM600 hingga RM800 ditanggung sepenuhnya kerajaan selama dua tahun. Program ini mampu meningkatkan jualan melalui penambahan lokasi tumpuan. Peserta IPR INSAN dibekalkan

dengan pelbagai kemudahan termasuk latihan perniagaan secara percuma, Latihan kemahiran dan teknologi, premis perniagaan disediakan, sokongan pembimbing dalam ekosistem melalui koperasi, bantuan promosi dan pemasaran. Hasil positif daripada program ini termasuklah kurang kebergantungan kepada pekerja asing, permintaan berterusan mesin layan diri membuka peluang kerja kepada graduan tempatan

Inisiatif Operator Perkhidmatan (IKHSAN)

IPR IKHSAN adalah komponen ketiga dalam pelaksanaan program IPR yang memberikan platform kepada rakyat yang berkemahiran dalam penyelenggaraan dan perkhidmatan untuk terlibat terus dalam aktiviti operator perkhidmatan.

Menerusi IPR IKHSAN, kerajaan akan melantik peserta dari golongan miskin tegar dan B40 untuk bersama dalam operator kawal selia kemudahan kerajaan seperti tandas awam atau pejabat.

Program ini adalah untuk menarik rakyat menceburi pekerjaan di sector "3D" (*dangerous, difficult, dirty*) yang kurang diminati oleh pekerja tempatan dan menjadi punca kebergantungan kepada pekerja asing yang berterusan. Peserta IPR IKHSAN akan mendapat pendapatan dari dua sumber, iaitu kutipan harian orang awam untuk masuk ke tandas atau kelengkapan kemudahan lain. Menurut Rafizi Ramli, sekiranya pendapatan adalah kurang, mereka akan diberi elaun tambahan untuk digenapkan pendapatan mencecah RM2,000 sebulan. Antara pihak yang terlibat dalam model IKHSAN adalah syarikat-syarikat swasta yang memerlukan pekerja-pekerja sambilan untuk tujuan pembersihan premis dan premis-premis agensi kerajaan

Penutup

Pelaksanaan Inisiatif Pendapatan Rakyat (IPR) yang tersusun dan bersestematik mampu meningkatkan pendapatan dan kesejahteraan rakyat terutama golongan sasaran (miskin tegar dan golongan B40) dan seterusnya menamatkan kemiskinan di Malaysia. Ini juga merupakan penstrukturan semula ekonomi negara dengan pengenalan program-program yang lebih bersepadu, cekap dan berimpak tinggi serta berpanjangan untuk manfaat golongan memerlukan di masa akan datang. Sokongan dan bantuan kerajaan yang berterusan diharapkan dapat mengubah nasib golongan sasaran dan

seterusnya manfaat ini dapat dirasakan oleh seluruh rakyat Malaysia.

Rujukan

- [1] <https://malaysiagazette.com/2023/02/26/ipr-bantu-b40-jana-rm2000-sebulan-rafizi/>
- [2] <https://www.bharian.com.my/berita/nasional/2023/10/1167857/projek-intan-ipr-sabah-tingkatkan-pendapatan-bulanan-150-miskin>
- [3] <https://www.bharian.com.my/berita/nasional/2023/03/1071835/miskin-tegar-dilatih-sebagai-operator-perkhidmatan>
- [4] <https://www.suarakeadilan.my/post/ipr-baru-dilancarkan-lebih-10-000-pendaftaran-rafizi>
- [5] https://www.sinarharian.com.my/article/251867/berita/nasional/pembiayaan-ipr-dijangka-mula-disalur-april#google_vignette
- [6] <https://www.bharian.com.my/berita/nasional/2024/03/1223425/99506-sertai-program-inisiatif-pendapatan-rakyat>
- [7] <https://www.hmetro.com.my/mutakhir/2023/05/964807/peserta-ipr-berupaya-keluar-dari-kemiskinan-dalam-dua-tahun-metrotv>
- [8] <https://www.sinarharian.com.my/article/634789/khas/pendapat/misi-menamatkan-miskin-tegar>
- [9] <https://www.bharian.com.my/berita/nasional/2023/03/1071835/miskin-tegar-dilatih-sebagai-operator-perkhidmatan>
- [10] <https://www.youtube.com/shorts/Nth1gFrlp0U>
- [11] <https://harianpost.my/inisiatif-pendapatan-rakyat-ipr/>
- [12] <https://www.suarakeadilan.my/post/usahawan-tani-ipr-intan-jana-pendapatan-rm3-000-sebulan>